

## "Labudice" slavile u Brčkom i dvokorakom ušle u polufinale Kupa BiH



Rukometašice tuzlanskog Jedinstva plasirale su se u polufinale Kupa BiH nakon što su večeras u Brčkom pobijedile domaće Jedinstvo rezultatom 31:25 (16:11).



Tuzlanke su se među četiri najbolje ekipe plasirale „dvokorakom“, s obzirom na to da su slavile i u prvoj utakmici, prošle subote u Tuzli, kada su pobijedile 36:30 (17:14).

Igračice trenera Danijela Sablića od početka su kontrolirale igru i nisu dopustile agresivnim Brčkankama ni tračak nade u rezultatski revanš i ukupnu pobjedu. Čak je posljednjih 7-8 minuta trener gošći priliku dao mlađim igračicama da osjete slast pobjede u važnoj utakmici.

Najefikasnije u redovima pobjedničkog tima bile su Admira Zvekić sa 9, Matea Šumelj, Dejana Kulić i Zorana Milićević koje su postigle po pet golova, dok je jedan manje zabila Damljana Bošnjak. Dva gola postigla je Renata Petrović, a jedan Samra Ibrahimović.

U ekipi domaćina Sanja Katić postigla je 7, Marijana Sorak 6, a Katarina Petrović 4 gola. (mp)

Date: 10-02-2019